

ՀՈԴՎԱԾՆԵՐ ԵՎ ՀԱՂՈՐԴՈՒՄՆԵՐ СТАТЬИ И СООБЩЕНИЯ

ԱՐՓԻԱՐ ԱՐՓԻԱՐՅԱՆԸ ՀՐԱՊԱՐԱԿԱԽՈՈ

Լ. Գ. ՄՈՒՐԱԴՅԱՆ

Արփիար Արփիարյանը դրական-հասարակական ասպարեզ է մտել իբրև հրապարակախոս։ Նրա առաջին հոդվածը լույս է տեսել 1877 թ. Պոլսի «Մասիս» շաբաթաթերթում՝ «Մուրատյան վարժարան» վերնագրով։ Ինչ-ինչ պատճառներով այն մինչ այժմ դուրս է մնացել ուսումնասիրողների տեսադաշտից և ղրա հետևանքով նրա հրապարակախոսական գործունեության սկիզբը համարվել է 1878 թ., երբ նա սկսել է թղթակցել «Մշակին»։ Այնինչ հրապարակախոսի անդրանիկ հոդվածն արդեն հատկանշվում է ըմբռնումների հասուն որոշակիությամբ և ծրագրային ուղղվածությամբ։

Առաջնալին և ելակետային հարցը, որին վճռական գործոնի դեր էր հատկացնում Արփիարյանը, ազգի միասնական գիտակցության կոման, ուժերի համախմբման պահանջն էր։

Այդ հրատապ կարևորության հարցը բարձրացնելով Մուրատ-Ռափայելյան յալրոցի գործունեության առիթով, «Մասիսը» տեղին է գտնում իր ընթերցողների ուշադրությանը ներկայացնել «Վեներելիում ուսում առած հայ պատանու խորհրդածությունը»։ «Խորհրդածությունն» իսկապես ուշագրավ է արծարծվող հարցերի հասարակական ուղղվածության և քաղաքացիական դիրքորոշման ընդգծված բովանդակությամբ։ Շարադրելով իր տեսակետները, հեղինակը բանաձևում է ազգության, կրոնի, կրթության մասին ժամանակի պահանջներից ելնող գրույթներ։ Կրթությունն ու կրոնը կոչված են նպաստելու աղոթության պահպանության գործին և պետք է ծառայեն այդ հիմնական նպատակին։ Ազգության հասկացությունը ընկալվում է հայրենիքի ապաղայի լայն ըմբռնմամբ, որի հիմքում է դրվում միասնական գիտակցության համախմբող անհրաժեշտությունը։ «Մեք ազգության վրա մի մեծ գաղափար ունիմք և Հայ անունը կրոնական դավանության մը պաշտպանությամբ չեմք հանձնելու։ Լուսավորչական, Հռովմեադավան, բողոքական Հայք միշտ հայ են և իրարու ևղբարք, թեև այս սկզբունքն ավելի փիլիսոփայական է, քան թե քաղաքագիտական։ Ընդհանուր համոզում մը գոյացած է, թե մեր վիճակն ունեցող ազգի մը հարկ է մի կրոնական դրոշ և եթ ունենալ, այն դրոշն, որ ղարերև հետև մեր հայրենի երջանկությանն ու աղետից վկան է»¹։ Արփիարյանը պարտադիր է համարում հարգել մարդու խղճի ազատությունը և հենց այդ «ազատամտական ըմբռնմամբ» էլ շրջանալ անհատի իրավունքներին։ Քաջուանդյակ լինելով Մխիթարյան դպրոցի ընդունելության կարգին, նա ցավով է նշում այն փաստը, որ աշակերտների գերակշռող մասը այնուամենայնիվ կաթոլիկներից են, այնինչ, ըստ Արփիարյանի, հենց այդ դպրոցն է, որ սովորեցնում է «գրասեղաններու վրա մեկ տեղ նստելով... ազգության մեկ անունի տակ դիրար սիրել»։ Բարձր գնահատելով Մխիթարյան հայրերի, և ամենից առաջ Ղեոնդ Ալիշանի գործունեությունն ու ջանքերը, որոնք օտար հողի վրա շարունակում էին պահել ազգության ոգին, հայրենիքի սուրբ գաղափարը, Արփիարյանը մասնավոր առաջարկներով փորձում է նպաստել կարևոր հասարակական խնդրի՝ ազգության համախմբման լուծմանը։

Խորաթափանց դիտողականությամբ և արդիականության սուր զգացողությամբ Լին հատկանշվում Արփիարյանի թղթակցությունները «Մշակին», որոնք Թիֆլիս հասան անձնական նամակների ձևով, գրավելով Գրիգոր Արծրունու ուշադրությունը, և վերջինս չհապաղեց հրատարակել դրանք։

¹ «Մասիս», 1877, № 2007։

«Մշակի» 1878 թ. փետրվարի 22-ի համարից սկսվում է Արփիարյանի թղթակցությունը թերթին՝ բեկումնային նշանակություն ունենալով նրա կյանքում:

Անշուշտ, պարզ զուգահեռությամբ չէր, որ հենց այդ օրերին Գրիգոր Արծրունին «Մշակի» էջերում հրապարակում է Արփիարյանի նամակները: Հայությունն ապրում էր ազատագրության հույսերի աննախընթաց վերելքի ժամանակներ: Ինքնաքննության, ազգային կացության ճշգրիտ ճանաչողության պահանջը առաջնահերթ բովանդակություն է ձեռք բերում քաղաքական ճիշտ դիրքորոշման, ուժերի գնահատման նկատառումներով: Գալիք իրադարձություններին համակողմանի պատրաստվելու ծրագրերում դժվար է գերազանհատել Արծրունու եռանդուն ջանքերը համազգային ոգորումները կազմակերպելու ուղղությամբ: «Մշակը» դառնում է գաղափարական այն կենտրոնը, որի շուրջը համախմբվում ու գործնական առաջադրությունների ուղին են բռնում ազատագրական շարժման ամենաազդեցիկ դեմքերը:

Հայկակ-Արփիարյանի թղթակցությունները Պոլսից ոչ միայն համահունչուն էին «Մշակի» խմբագրության գաղափարական ընթացքին, այլև դալիս էին մեծապես նպաստելու խմբագրի և նրա համախոհների ծրագրերի իրականացմանը: Հետագայում արժեքավորելով 1870—80-ական թթ. «Մշակի» հասարակական նշանակությունը, Լեոն թերթի հեղինակության կտրուկ աճը բացատրում է Արծրունու, Բաֆֆու և Արփիարյանի համագործակցությամբ: Մասնավորապես անդրադառնալով Արփիարյանի դերին, նա նշում է «Մշակի» համար այն շափազանց կարևոր իրողությունը, որ «1878-ից նրա էջերում սկսեց մեծ տեղ բռնել, հետզհետե հարստանալ, զարգանալ թուրքահայերին վերաբերող բաժինը: Կ. Պոլսից ահագին ինքնուրույն նյութ էր ուղարկվում Արծրունուն: Հայկակի պես անխոնջ, լավատեղյակ տաղանդավոր թղթակից երեք ոչ մի հայ թերթ չէ ունեցել: Արծրունուց, Բաֆֆուց հետո Լեոն Արփիարյանին համարում է «բերորդ խոշոր ուժը, որի վրա հիմնվում էր «Մշակի» հեղինակությունը, ժողովրդականությունը, անշուշտ Հայկակն էր իր մանրամասն, միշտ հետաքրքրական, միշտ գրավիչ թղթակցություններով, որոնց մեջ ընդառնալ լուսաբանության էին ենթարկվում Կ. Պոլսի և առհասարակ թուրքահայերի բոլոր փոքր ի շատե աչքի ընկնող գործերը»:

Իր առաջին իսկ թղթակցություններում Հայկակ-Արփիարյանը ձգտում էր պարզություն մտցնել արևմտահայ հասարակական մտայնության, կատարվող իրադարձությունների բովանդակության ու շարժառիթների մասին: Թղթակիցն անհրաժեշտ և կարևոր է դիտում ընդգծել ամենից առաջ հայության ուսական կողմնորոշման խնդիրը: Արտահայտելով արևմտահայ առաջադեմ շրջանների դիրքորոշումը, նա գրում էր. «Այժմ մեր տեսության գլխավոր առարկաներն են մին եղած է Ռուսիայի քաղաքականությունը, և մենք շրջահայացությամբ կուզենք օգուտ քաղել պարտականություն... Ինչ որ կարող ենք անել, այդ պետք է որ պահանջենք և անենք և ոչ թե անկարելի բաներու ձգտելով, կարելին ալ վտանգի ենթարկենք»:

Ին Թուրքիայի քրիստոնյաները որչափ պետք է գնահատեն այժմ Ռուսիայի պաշտպանությունը և խնդրեն զայն, այդ մասին մենք չենք խոսիր, որովհետև արդեն եղելությունները կխոսին: Մենք ավելի հույս ունենք Ռուսիայի, քան թե այլ տերության պաշտպանության վրա»:

Արփիարյանի թղթակցություններում ըստ ամենայնի բացահայտվում են արևմտահայ հասարակական խավերի դիմադիր տեսակետները Հայկական հարցի դիվանագիտական նախագծերի մասին: Հայերի ինքնավարության և պետականության վերականգնման հույսերը ի դերն ելան մեծ տերությունների և ամենից առաջ անգլիական քաղաքագետների ջանքերով: Սակայն հաջազգային ոլորտներում բոլորը չէ, որ ըմբռնում էին միջազգային դիվանագիտության ընթացքի բոլոր սանր հետևանքները: Հասարակական այդ մտայն-

2 Լ և ո. Գրիգոր Արծրունի. Կ. 3, Թիֆլիս, 1905, էջ 95—96.

3 «Մշակ», 1878, № 42:

էութիւնն էլ հույսեր էր փայփայում Անգլիայի հովանավորութեամբ հասնելու Հակակասն հարցի զիմանագիտական լուծմանը:

Այլ տեսակետ էր պաշտպանում Արփիարյանը, իր թղթակցութիւններում նա բացահայտում է անգլիական կառավարող շրջանների գաղութատիրական քաղաքականութեան բովանդակութիւնը: Իբրեւ ապացույց է բերվում լորդ Բիկոնսֆիլդի ելույթը, ուր անգլիական քաղաքագետն անհրաժեշտ է գտնում հայ գաղառները դարձնել զինվորական ամրութիւններ՝ կենտրոնացնելով այնտեղ թուրքական բանակը: «Պիքոնսֆիլդի այդ խոսքերը,— գրում է Հակակը,— ակնհայտ կցցեն թե Հայաստան ամուր բերդերով ամրացնել, թրքական բանակ մը հոն պահել այս պիտի ըլլա Հայաստանի մեջ Անգլիո քաղաքականութեան ուղղութիւնը: Ի՞նչ սակայն, երբ մեր հայրենիքը մշտնջենավոր բանակատեղի մը ըլլա, ո՞ւր կ'մնան այն ժամանակ մեր ապագա ինքնօրինութեան հույսերն»⁴:

Բիկոնսֆիլդի ճառն, ըստ Արփիարյանի, մի դրական նշանակութիւն կարող է ունենալ, այն է՝ «անգղիասեր հայոց աչքերն կբանա», ցույց տալով այդ քաղաքականութեան «սխալ և վտանգավոր ճանապարհը»: Հրապարակախոսի ելույթը անգլիական ամրութիւններ մեկն է. «Այլ մենք որոշեցինք. Անգլիո պաշտպանութեանը և թրքաց ձեռք բարեկարգութիւն հուսալն մի ստօրիէ»⁵:

Այդպիսին աղատագրական շարժման անհաճանք ընթացքի ապացույց դիտելով ժողովրդական ընդվզումները, Արփիարյանը իր հողվածներում կոչ է անում ամեն միջոցներով սատարել անհավասար մարտի ելած ապստամբներին, չթողնել միայնակ մահու և կենաց պայքար մղող զինվորացիներին: «Հարկավոր միջոցների» շարքում հրապարակախոսը կարևոր տեղ էր տալիս արևմուտահայ և արևելահայ հասարակական շրջանների միասնական գործունեութեանը: Նրա կոչերը լայն ընդունելութիւն են գտնում արևելահայութեան մեջ:

1880-ական թթ. սկզբին Հայկակի թղթակցութիւնները լի են Պոլսում և դավառներում ուժգնացող աղգային ճնշման բազմաթիւ օրինակներով: Թըղթակցի անդիկութիւնները ոչ միայն ըստ ամենայնի ցուցադրում են հայութեան օրեցօր վատթարացող դրութիւնը, այլև բացահայտում սուլթանական Թուրքիայի քաղաքականութեան ընթացքը՝ սոցիալական, բարոյական բուռնութիւններից մինչև ֆիզիկական բնաջնջման վերջնական ծրագրի իրականացումը: «Նրկաթի ձեռք մը կծանրանա կ. Պոլսո մամուլին վրա»⁶,— գրում է Արփիարյանը: Նա բերում է փաստեր հայկական ներկայացումների, հայոց պատմութեան, նույնիսկ օրացույցների հրատարակութեան արգելման մասին: Միաժամանակ ցույց է տրվում նաև, որ հալածանքի այդ քաղաքականութեան ջղաճիգ զիմադրութիւնը չի կարող խեղդել աղգային աղատագրական շարժման բարձրացող ալիքը:

Դժվար է դերադնահատել «Մշակում» Արփիարյան-Հայկակի հրապարակախոսութեան պատմական դերն ու նշանակութիւնը: Շուրջ երեսուն տարիների համարյա անընդմեջ շարունակվող թղթակցութիւններով կենդանի կապ դառնալով արևմտահայ և արևելահայ հատվածների մերձեցման ծրագրային նպատակի իրագործման ուղիներում, հրապարակախոսն անախաղակ հետևողականութեամբ հանդիսացավ արևմտահայութեան աղատասիրական ոգորումների ու իդձերի թարգման: Շնորհիւ Արփիարյանի օբյեկտիվ վերլուծութիւնների, արևմտահայ կյանքը արևելահայութեան առջև հանում էր իբրեւ ապրող իրողութիւն՝ իր բազմաշերտ տարադրութիւն, տեղաշարժերի, առաջադրվող անհետաձգելի խնդիրների բարդ ընթացքով: Այդ թղթակցութիւնները կարևոր հիմք են դառնում «Մշակի» և նրա խմբագրի հասարակական վերաշինութեան ծրագրերում՝ իբրեւ ազգային համախմբման, աղատագրական պայքարի իրագործումների կայուն երաշխիք: Մշա-

⁴ Նույն տեղում, № 202:

⁵ Նույն տեղում, № 176:

⁶ «Մշակ», 1881, № 15:

կականների շատ համոզումներ ու պատկերացումներ ճշտվում ու ստուգության են ենթարկվում Արփիարյանի կողմնորոշող հոգվածների շնորհիվ:

Աստանդական կյանքը տարիների ընթացքում փոխել է հրապարակախոսի թղթակցությունների հասցեները: Պոլսին հաջորդել են Լոնդոնը, Վենետիկը, Կահիրեն, Ալեքսանդրիան⁷: Հայկական տարբեր գաղթավայրերից եկող հոգվածները շարունակել են լուսաբանել ազգային կյանքի նոր պայմաններն ու առանձնահատկությունները՝ նպատակամիտելով նպաստել ազգապահպանության գործին: Գաղթօջախների հասարակական-մշակութային կյանքի լուսաբանությամբ հրապարակախոսը ձգտել է հայ հավաքականության համախմբմանը՝ իբրև վերջնական նպատակակետ ունենալով հայության ազատագրության բաղձալի հեռանկարը:

Աշխատակցությունը «Մշակին» կարևոր էր նաև Արփիարյան-խմբագրի գործունեության առումով: «Մշակի» գաղափարական մթնոլորտը կազմակերպում և ուղղություն է տալիս հրապարակախոսի սկզբունքներին, մշակում դրանք իբրև մասնագիտական կողմնորոշում՝ Պոլսում հիմնադրելու և վարելու ժամանակի մամուլի այնպիսի կարևոր օջախներ, որպիսիք դարձան «Արևելքը», «Մասիսը», «Հայրենիքը»:

* * *

1884 թ. հունվարի 2-ին լույս է տեսնում «Արևելք» օրաթերթի առաջին համարը, որը նախապատրաստվել և պայմանավորվել էր ոչ միայն Արփիարյան-հրապարակագրի անձնական մղումներով, այլև ժամանակի հասարակական-քաղաքական իրադրության թելադրանքով: Պոլսում ունենալ թերթ, որ իր ուղղությամբ համապատասխաներ հանրության նորօրյա պահանջներին, դառնար խոսափող մեծամասնության մեջ խորացող դեմոկրատական գաղափարների արտահայտման համար, նպատակաուղղորդ ժողովրդի գիտակցությունը՝ գաղափարական ծրագրի այս ուղեգծով էր առաջնորդվում Արփիարյանը՝ ձեռնամուխ լինելով նոր թերթի հրատարակման դժվարին գործին: Տարիներ անց, հրապարակագիրն իր հուշերում խոստովանում է, որ ձեռնարկի ողջ բարդությունը նա հստակ գիտակցել է. «Հանրության համար գործընդհանուր կարգին մեջ մտնելու համար պետք էր մոռնալ անձնական հաճույք ու տհաճություն, հրապարակագիրը խնամակալ մըն է, որ իր անձին համար չի մտածեր, այլ ուրիշին»⁸: Այս համոզմամբ էլ նա մոռնոք է գործում արևմտահայ լրագրության ասպարեզ՝ այլևս չհեռանալու համար, իր անանձնական կյանքի գերագույն նպատակն ու բովանդակությունը դարձնելով գրող-հրապարակախոսի անխոնջ գործունեությունը:

«Արևելքի» հիմնադրությամբ արևմտահայ հրապարակախոսություն է մտնում 80-ականների սերունդը՝ հասարակական գիտակցության վերակառուցման, գաղափարների արմատական բեկման պարտականությամբ, խանդավառ հավատի խրախույսով:

Թերթի սկզբնավորությունն ու նրա շարունակական նշանակությունը արժեքավորելով Գրիգոր Զոհրապը գրել է. «Պոլսո նոր լրագրությունը Արևելքով կսկսի. ավելի շատ իմաստասիրություն հանրային խնդիրներու, ավելի մոտ տեղեկություն եվրոպական աղբյուրն վրա, անհատական դժուճ խնդիրներն ու վեճերը՝ տեղի տալով ընդհանուր տեսություններու. հայ լեզուն, այս կամ այն խմբագրապետի գծած անձուկ սահմաններ կոխտռելով, վերստացած իր ժողովրդյան բարբառի անկախությունը, խմբագրությունը՝ դադրելով արհեստ մը լինելն, արվեստ դառնալու համար. գրական նոր սևուռն՝ գրական նոր մարգերու ձեռքով, ամենքը միևնույն անփոփոխ նպատա-

⁷ Տարագրության ընթացքում «Մշակին» ուղարկված հոգվածները կրում են «Հայ կյանքն» խորագիրը, երևե աստղ՝ *** ստորագրությամբ:

⁸ «Հայրենիք», 1894, № 938:

կին կապված՝ հասարակության պետքերուն ըմբռնումը: Ահավասիկ նոր լրագրությունը»⁹:

Որքան էլ հասունացած էր հասարակական գիտակցության տեղաշարժերի անհրաժեշտությունը, նույնքան կայուն էր պահպանողական մըտայնության ինկրցիան, որի դրսևորումներին մարտահրավեր է նետում «Արևելքը» աղղալին կյանքի տարբեր ոլորտներում: Թերթի բովանդակությունը թևադրում էր պահպանողական գաղափարաբանության դեմ ուղղված ռազիկալ-գործնական տրամաբանության ընթացք, որը գլխավորապես պայմանավորված էր Արփիարյանի դեմոկրատական հալեցությամբ: 80-ականների շարժման և նրա հիմնադիր-գաղափարախոս Արփիարյանի նոր դիրքորոշումը դրսևորում էր շեշտված քննադատական վերաբերմունք եկեղեցու և աղղալին իշխանությունների դասային հեգեմոնիայի դեմ: Բուրժուական լիբերալիզմի հակասականությունը հրապարակախոսը հաստատում է հասարակության տարբեր շերտերի, ազգային կյանքի ղեկավարման ոլորտների խորագնին ուսումնասիրությամբ: Ազգային ինքնորոշման ձգտող դեմոկրատական հոսանքը իր պայքարում քննադատության սլաքն առաջին հերթին ուղղում է գաղափարական կոնֆորմիզմի արտահայտությունների դեմ: Քննադատության սոցիալական բնույթի դրսևորումները ղուգակցվում են քաղաքական դիրքորոշման նպատակամիտվածությամբ՝ ներկայացնելով քաղաքացիական շեշտված նկարագրի ամբողջականությունը:

Հեղինակը Արփիարյանի հրապարակախոսական գործունեությանը «Արևելքի» էջերում, կարելի է որոշակի պատկերացում կազմել նրա գաղափարական-ծրագրային ուղեգծումների նախապատրաստվող ընթացքի մասին: Թեև իր վերհիշումներում հրապարակախոսը «Արևելքի» սկզբնավորման շրջանը բնութագրում է որոշումների, իր իսկական ղեմքը ղտնելու անորոշություն լինելով, սակայն, որքան էլ իրոք պակասում էր փորձառությունը և առկա էին ժամանակի անբարենպաստ հանգամանքները, թերթին հաջողվում է ձևոր բերել ուրույն նկարագիր և ինչպես նշում է հետագայում Արփիարյանը՝ «շուտ տեսանք, թե մեր պատրաստած թերթը ախորժելի եղավ հանրության ու հինավուրց Մասիս ջանքեր ըրավ, որ ճիշտ Արևելքի հետևի»¹⁰: Սակայն շնայած «Մասիս» հրատարակիչների ջանքերին, թերթի հետագա գոյությունը պահպանելու միակ միջոցն է դիտվում նրա միայնումը «Արևելքի» վարչությունը: «Մասիս» խմբագրությունը 1884 թ. սեպտեմբերից ստանձնում է Արփիարյանը՝ միաժամանակ շարունակելով աշխատակցել «Արևելքին»: Երկու պարբերականների գաղափարական միասնական ընթացքը հրապարակախոսի կայուն համոզումների գործնական վերակալությունն էր: «Արևելք»-«Մասիս» կանխադրումներում առաջնային նըշանակություն է վերապահվում համազգային միասնության ծրագրային լուծումներին: Արևմտահայ և արևելահայ հատվածների մերձեցման ու փոխադարձ ճանաչողության պահանջները ինչպես «Մշակի» թղթակցություններում, այնպես էլ «Արևելք»-«Մասիս» էջերում արծարծվում են լայնորեն՝ ընդգրկելով հասարակական-քաղաքական կյանքի ամենատարբեր ոլորտներ: Միջավայրը և արտաքին քաղաքական անբարենպաստ հանգամանքները պայմանավորում են դրականության՝ հասարակական գործունի աճող դերը: Այդ նպատակի իրագործման առաջին փորձերից մեկն է բառում Րաֆֆու վեպերի տպագրությունը «Արևելքի» էջերում¹¹: Դրան նախորդել էր «Րաֆֆի և հայ վիպասանությունը» հոդվածա-արդ¹², որի լայն արձագանք-

⁹ Գ. ր. Ջոհրապ. Երկերի ժողովածու երկու հատորով. հ. 2, Երևան, 1962, էջ 317:

¹⁰ «Հայրենիք», 1893, № 670:

¹¹ 1884 թ. «Արևելքի» 24—155 համարներում տողադրվում է «հաշագողի հիշատակարանը», այնուհետև համառոտարար ներկայացվում է «համասայի մեղիությունները»: Այդ մասին ավելի մանրամասն տե՛ս Րաֆֆի և Արփիար Արփիարյան.— «Պա-մա-րանասիրական հանդես», 1956, № 3:

¹² Տե՛ս «Մասիս», 1884, №Մ 3734, 3736, 3737, 3739:

ները հրապարակախոսի համար պարզ էին դարձրել մտահղացման անհրաժեշտությունն ու արգասավոր արդյունքը: Օգտագործելով տարբեր առիթներ, արևմտահայ ընթերցողին է ներկայացվում Գր. Արծրունու, Գ. Սունդուկյանի, Գ. Չմշկյանի, Լեոյի, Արգար Հովհաննիսյանի և ուրիշների գործունեությունը:

1884 թ. ապրիլին Կովկաս կատարած ուղևորության հարուստ տպավորությունները Արփիարյանն ամփոփում է «Ուղևորություն ի Կովկասի», «Ուղևորություն յԱրևելս» և «Կովկասյան ճանապարհորդություն» թղթակցությունների շարքում: Արփիարյանի ուղևորության առիթը կաթողիկոսական ընտրություններն էին, սակայն և՛ հրապարակախոսն ինքը, և՛ նրա համախոհներն «Արևելքի» խմբագրությունում շատ ավելի լայն նպատակներ էին հետապնդում: «Կովկաս գնալուս մեջ,— գրում է նա,— մեր խմբագրության փափագներն մին էր, որ ի մոտո լավ տեղեկություններ ստանամ ո՛չ միայն Ռուսահայոց գործերու մասին, այլ նաև գիտնամ թե՛ ինչ են իրենց համոզումներն մեր խնդրոց մասին, միանգամայն նոցա կարծիքն Թուրքիո Հայոց գանազան անձնավորությանց վրա: Ես այս տեղեկությունները քաղեցի որչափ որ կարող էի, և որչափ որ պետք ունիմք»¹³:

Արևելահայության մեջ արդեն հայտնի անուն լինելով «Մշակի» իր թղթակցություններով, Արփիարյան-Հայկակը Կովկասում գտնում է ջերմ ընդունելություն: Նրա այցելության հեռանկարային նպատակների հետ մեծ հույսեր էին կապում արևելահայ գործիչները՝ ժողովրդի ազատագրական պայքարի ուղիների հետագա ծրագրերը մշակելու գործում: Հայտնի պատճառները թույլ չեն տալիս «Արևելքի» թղթակցություններում բացահայտորեն խոսել այդ մասին և նա բավարարվել է նշելով, թե «պետք էր նախ գործս տեսնել և գործիչների հետ հարաբերություն ունենալ»¹⁴:

Արփիարյանի Կովկասյան ուղևորության գործնական արդյունքները շատ շուտով ի հայտ են գալիս նրա հրապարակախոսական և հասարակական գործունեության ոլորտներում: «Մասիսը» իր շուրջն է համախմբում նոր, երիտասարդ ուժեր, որոնց ստեղծագործական որոնումներին ու մղումներին ուղղություն են տալիս խմբագրի ծրագրային կանխագծումները:

Արփիարյանի «Օրվան կյանքը» քրոնիկները, «Աղգային տեսություն», «Բանասիրական» բաժինները, Հ. Ասատուրի, Լ. Բաշլյանի, Գր. Զոհրապի հոդվածները, դիմանկարային շարքերը, գեղարվեստական գործերի հետ նոր սերնդի գործնական մտահայեցության ապացույցներ են դառնում: Ստեղծագործական փոխմրմբման և համագործակցության այս մթնոլորտին մեծապես նպաստում էր «Արևելք»-«Մասիսի» խումբը գլխավորող Արփիարյանի մարդկային նկարագիրը: «Իր խելքը իր մեծագույն հրապույրը կկազմեր,— վկայում է Հրանտ Ասատուրը: ...Ամեն բան հասկցող, ամեն բան միտքը պահող, շուտ տպավորվող, շուտ գրգռվող, արտակարգորեն գործնյա ուղեղ մըն էր: Կծու քննադատ մըն էր, հանդուգն հարձակող մը, անգուժ ճայթող մը, ո՛չ սպառնալիքներ կվախնար, ո՛չ բամբասանք: Օրվան աղղեցիկ մարդոց դեմ գրելը հաճույք մը, հոգիի անդիմադրելի պետք մըն էր իրեն համար, բավական է, որ անոնց արարքներուն մեջ անիրավ, քննադատելի բան մը գտներ»¹⁵:

«Արևելք»-«Մասիսի» միացման շրջանը բնութագրվում է մտավորական ուժերի համընդհանուր ձգտումների իրագործումներով: Լայնացնելով արևելահայության հետ հետագա մերձեցման ծրագրի սահմանները, հրապարակագիրները ձեռնարկում են ռուսահայ հասարակական-գրական կապերը նրպատակաուղղել նաև ռուս հասարակական մտքի ու դրականության ճանաչողությունը: «Ռուսական ոգին, ռուսական գրականությունը, օրենքները և

¹³ «Արևելք», 1884, № 139:

¹⁴ Նույն տեղում, № 129:

¹⁵ Հ. Ասատուր, Հրապարակագրի հուշերեն, տե՛ս ԳԱԹ, Թ. Աղատյանի ֆոնդ, № 139:

կառավարական ուղղությունը» հետադոտություն խնդիր դարձնելով, «Մասիսի» խմբագրությունն առաջնորդվում էր ամենից առաջ քաղաքական տեսակետներով՝ նպատակ ունենալով հասարակության մեջ արմատավորել ռուսական կողմնորոշման նպաստավոր ըմբռնումները: Ընդ որում արևմտահայ ՑՕ-ականների ու հատկապես Արփիարյանի հայացքներում միանգամայն որոշակիորեն տարանջատվում էին ցարիզմի երկդիմի քաղաքականության և ռուսական առաջավոր մտքի ղեկի գնահատումները: Նկատի ունենալով Ռուսաստանի ներսում սոցիալական հեղաբեկումների սրացումը և դրա հետ որնչևիցի մշտնջենական անհանգստությունը, համընդհանուր դժգոհությունը ընդդեմ ցարիզմի աղդային քաղաքականության, Արփիարյանն ուշագրավ հետևություններ էր անում՝ ապագայում սպասվող փոփոխությունների անխուսափելիության մասին: «Իրավ է, թե դժվար վայրկյաններ կանցունեն այժմ Ռուսիո բոլոր փոքր ազգություններն, — դրում է նա, — իրենց վիճակը մխիթարական մը չընծայել, բայց ե այնպես համբերելու, տոկալու են, ժամանակն իրենց համար կաշխատի: Այս կացությունն երկար չկրնար տևել: Ամեն հեռատես անձ կդիտե, թե բարեփոխման ժամանակը կմոտենա: Կառավարական ձևի մը փոփոխությունը լինի թե ոչ, Ռուսիա կըմբռնե, թե իրեն համար ձախորդությանց թվական մը պիտի բանան այն հարյուրավոր ազգերն, որք վիրավորված իրենց ամենն են փիրական զգացումներուն մեջ, վնասված իրենց նյութական կացության մեջ առնելովն կտածեն ընդդեմ Ռուսիո»¹⁵:

Համոզումների այս ուղղվածությամբ էլ «Մասիսն» անդրադառնում է ռուսական հասարակարգի, եկեղեցական, կրթական խնդիրների լուսարանությանը: Կարևոր տեղ է տրվում և գրականությանը: Արևմտահայ ընթերցողին ներկայացվում են ռուս դասականների՝ Պուշկինի, Լերմոնտովի, Դոստոևսկու, Տուրգենևի ստեղծագործություններն ու դրանք արժեքավորող հանգամանալի հոդվածներ:

Արփիարյան հրապարակախոսի ջանքերը թերթի դեմոկրատական բովանդակության ծավալման ուղղությամբ ակներև են հատկապես ժամանակակից կյանքի հրատապ խնդիրների բաղմաձև արծարծումներում: Հասարակական կյանքի, ժողովրդի սոցիալական ծանր կացության պայմանների մասին ճշմարտությունը հրապարակելու պահանջը Արփիարյանը նպատակադրում է «Ինքնօգնության» գաղափարի իրագործմանը: «Ժողովրդի սրտին մոտիկ խոսելու ե պրականության միջոցով ընկերական խնդիրներ հուղելու» գործնական ձգտումներով «Մասիսի» խմբագիրը ձեռնարկում է արևմտահայության մոտեցված, բայց հոծ մի զանգվածի՝ պանդուխտների և դրա հետ կապված գաղափարի հայության կյանքի պատկերմանը: Իր այդ ձեռնարկի նշանակությունը բացատրելով, հրապարակախոսը գրել է. «Հարկ էր ժողովուրդը ցնցել, տնոր իմացնել՝ թե թուրքեն բարեկարգության պահանջված պահուն, մենք ալ մեր ձեռքով գործադրելիք շատ մը բարեկարգություններ կրնայինք ունենալ: Պետք էր հանրային սիրտը թունդ հանել, հոգիները խռովել ու մեր ներքին վիճակը մեր ձեռքով բարելավելու մտածությունը դորացնել»¹⁶:

Ազգային միասնական գիտակցության, հակահարուստ շարժման, գաղափարահայության կյանքի արծարծումները նպատակամիտում են ազգային-քաղաքական կյանքի վերաշինությանը՝ ապահովելով օրաթերթին մինչ այդ աննախընթաց հեղինակություն ու տեսակարար կշիռ: Հասարակական արաններն ու բացերը մերկացնելու ընդհանուր ջանքերը հանդիպում են ոչ միայն սուլթանական կառավարության, այլև բուրժուական վերնախավի ու պահպանողական իսլամի կատաղի դիմադրությանը: Մատուցվածները, կառավարությանն ուղղվող գաղտնագրերը թերթն անվերջ կանգնեցնում են փակվելու սպառնալիքի առաջ:

¹⁵ «Մասիս», 1887, № 3870:

¹⁶ Արփիար Արփիարյան. Երկեր. Երևան. 1937. էջ 443—446:

1887 թ. հունիսից մինչև 1888 թ. մայիսը Արփիարյանը ստիպված է լինում դադարեցնել աշխատակցությունը «Մասիսում»՝ չցանկանալով հնազանդվել թերթի խմբագրական վարչության կաշկանդող պահանջներին։ Իր հրաժարականի պատճառները նա բացատրում է «Մի քանի խոսք» հոդվածում՝ տարբերակելով հրապարակախոսի իր սկզբունքներն ու համոզումները։ «Իմ համոզումներս շատ բաղադրյալ չէին,— գրում է նա,— Համոզված եմ, թե հայ թերթ մը պետք չէ որ լինի հայ ազգին համար մի տեսակ լուտաս, փրկիկյան անուշահամ այն պտուղն, որո համար նախնիք կըսեն։ «Զոր թե ուտե ոք՝ զհայրենիս մոռանա»։ Այս համոզմամբ Մասիս շաբաթաթերթը հատարելապես ազգային թերթ մը ընելու հետամուտ եղած եմ։ Վեպ, թղթակցություն, խմբագրական, ամեն կարգի հոդված ուրիշ նպատակ չունեցան, բայց եթե Պոլսո, Հայաստանի ռուսական հայոց կյանքի ամեն երևույթներն ուսումնասիրել»¹⁸։

Թեև մեկ տարի անց թերթի տպագրությունը վերսկսվում է, սակայն երկար չի տևում։ 1890 թ. հոկտեմբերի 15-ին լույս է տեսնում «Մասիսի» վերջին համարը Արփիարյանի խմբագրությամբ։ Այն վերստին սկսում է հրատարակվել 1892 թ. հունվարին արդեն Հրանտ Ասատուրի և Գրիգոր Զոհրապի խմբագրությամբ։ Արփիարյանը, որին «Արևելքի» վարչական խորհուրդը փաստորեն մեկուսացնում է «Մասիսի» խմբագրությունից, ձեռնամուխ է լինում նոր թերթի՝ «Հայրենիքի» հրատարակման պատրաստությունը։

* * *

«Հայրենիք» օրաթերթի հրատարակությանը արևմտահայ հասարակական կյանքում նախորդեց տեղատվության մի շրջան։ 1890 թ. ամռան իրադարձությունները՝ էրզրումի դեպքերը, Գում-Գաբուլի ցույցը և դրան հաջորդած քաղաքական կատաղի ռեակցիան ցրել և ջլատել էին 80-ականների ուժերը։ Բանտարկվել էր Արփիարյանը, Լևոն Բաշալյանը հեռացել էր Եվրոպա, մյուսները դուրս էին մնացել գրական ասպարեզից։ Անհրաժեշտ էր ուժերի նոր համախմբում, որը կարող էր իրականացվել արմատական գաղափարական ուղղություն ունեցող պարբերականի շուրջ։

1891 թ. հունվարին 75 քաղաքական բանտարկյալների հետ ազատ է արձակվում նաև Արփիարյանը¹⁹ և նոր եռանդով ծավալում իր գործունեությունը։ Սակայն նոր պարբերականի հրատարակությունը խոչընդոտում էին բազմաթիվ արգելքներ, որոնց հաղթահարումը պահանջում էր ոչ միայն դիվանագետի ձկունություն, այլև նյութական ամուր հիմք։ Հանձինս Հովհաննես Շահնազարի, Արփիարյանը գտնում է այն մարդուն, որը թերևս միակն էր, որ կարող էր իրագործել նրա ծրագրերը։ Շահնազարը, որ Պոլսում մեծ հեղինակություն վայելող փաստաբան էր ու հասարակական գործիչ, առանց երկմտելու թողնում է իր ապահով փաստաբանական ասպարեզը և անցնում հրապարակախոսության։

«Հայրենիքի» հրատարակությանը Շահնազարը և Արփիարյանը ձեռնամուխ են լինում գաղափարների ու համոզումների կատարյալ ընդհանրության մեջ ու համերաշխությամբ։ Փոխըմբռնման կարևոր ապացույց էր այն, որ Շահնազարը, առանց հանրային կարծիքի առջև վարանելու, իր թերթի ճակատին դնում է Արփիարյանի անունը՝ իբրև խմբագրապետի։

«Հայրենիքի» առաջին համարի հրատարակիչների նպատակներն ու սկզբունքները պարզող առաջնորդողում կարդում ենք. «Հայրենիքի» խմբա-

¹⁸ «Մասիս», 1887, № 3373.

¹⁹ Արփիարյանին ստիպում են հրապարակել «մեղադրական», որով նա պարտավորվում էր հրաժարվել քաղաքական գործունեությունից։ Թեև հրապարակախոսը նշանակություն չի տալիս իր վրա ծանրացող վտանգի սպառնալիքին, սակայն այն ճակատագրական հետք է թողնում ողջ հետագա կյանքում՝ առիթ տալով նրա գաղափարական հակառակորդների անհիմն կասկածներին ու մեղադրանքներին։

դիրները խղճի համոզում ունին թե՛ հրատարակելով հայերեն այս նոր օրաթերթը՝ պարտականություն մը կատարած պիտի ըլլան... Սակայն այժմէն կրնանք հայտարարել, թե «Հայրենիք» պիտի չըլլա ստորուն հանրային կարծիքի, և ոչ ալ անգույն, չեղոք թերթ մը... նա պիտի կրնա մտնել մեր ընկերության ամեն խավերուն մէջ, և թե պիտի ըլլա ապարանքի թերթը, պիտի ըլլա նամանավանդ խրճիթին թերթը. և թե պիտի ըլլա դարգացալին թերթը, պիտի ըլլա նամանավանդ մտքով հետամնացին թերթը, և իր ազդեցութիւնը պիտի տարածվի ընկերական ամեն դասերու վրա, հետեւեալ ազդեցութեամբ կ'ազդեցնէ համեմատ ալ ընդարձակ բարոյական պատասխանատվություն կծանրանա խմբագրության վրա: «Հայրենիքին» հրատարակիչները կրնան վստահորեն հայտարարել, թե պիտի չթերանան իրենց պարտականությունների մէջ»²⁰:

«Հայրենիքի» գործունեության շրջանը դառնում է 80-ականների փաղանդի և ամենից առաջ իր՝ Արփիարյանի գաղափարական իրագործումների փայլուն արտահայտությունը: Արփիարյանի ավանդը արեւմտահայ հրապարակախոսության նոր փուլում մնում է չգերազանցված հասարակական հղորանդարդարձի և մարտական ուղղվածության նշանակությամբ: Հրապարակախոսի դերի խոր բնույթով Արփիարյանը զուգահեռ գրել է. «Անկարելի է մոռանալ, որ առանց Արփիարյանի պիտի չհիմնվեր «Հայրենիքը», և որ «Հայրենիքը» թրքահայոց հանրային ու մտավոր կյանքին մէջ՝ ամենակարեւոր երևույթ մըն էր»²¹:

«Հայրենիքի» մշտական աշխատակիցներն են դառնում Գրիգոր Զոհրապը, Լևոն Ռաշայանը, Տիգրան Կամսարականը և նրանց կողքին նոր անուններ՝ Արշակ Զոպանյան, Երվանդ Օտյան, Վահան Մալեղյան, Տիրան Քլեկյան և ուրիշներ: Հետագայում «Հայրենիքին» իրենց աշխատակցություն են բերում նաև Թլկատիցի, Ռուբեն Զարգարյանը, Լևոն Շանթը, Արտաշես Հարությունյանը: Ուշադրով է, որ թերթի էջերում հրապարակվում են արեւմտահայ կին գրողներն ու հասարակական գործիչները՝ Սիպիլ, Մարի Սըվաճյան, Դայանե Մատակյան: «Այսչափ հին և նոր տաղանդներու բոլորումը «Հայրենիքի» շուրջը այս թերթին տված էին ժողովրդականություն մը, որուն ոչ մէկ թերթ արժանացած է մեր մէջ»²², — իր հուշերում գրում է Երվանդ Օտյանը: Իրաքննչական աճող սպառնալիքի տակ Արփիարյանը հետևավորական անհաճանք ուղղությամբ է վարում թերթը՝ փորձելով շրջահայաց դրուշդությամբ խուսափել փակումից: Չնայած դրան թերթը հրատարակության առաջին իսկ տարին փակվում է երկու անգամ: Շահնայարի ջանքերով թերթը հաջողվում է վերահրատարակել, սակայն արդեն չնշելով Արփիարյան-խմբագրապետի անունը:

Մուլթոնական կանխարգել գրաքննության սեղմվող օղակը համարյա անհնարին էր դարձնում ալգային-հայրենասիրական գաղափարախոսության որևէ դրսևորում: Սակայն ժողովրդի համախմբման և ազդային ինքնագիտակցության զարգացման հիմնավոր խնդիրները շարունակում էին առաջնային մնալ 80-ականների գաղափարաբանության ընթացքում: «Հայրենիքի» հրապարակախոսությունն իր շեշտված դեմոկրատական ուղղվածությամբ կարողանում է ազդային-քաղաքական խնդիրները վերաիմաստավորել լուծողականության, մշակութի, դրականության, սոցիալական բացահայտումների ընդգրկման տարածքում՝ իր վերջնական արդյունքով դրանք նպատակաուղ-

²⁰ «Հայրենիք», 1891, № 1:

²¹ «Անահիտ», 1908, № 1—4, էջ 44:

²² Երվանդ Օտյան. Երկերի ժողովածու. հ. 4, Երևան, 1962, էջ 23: Ժամանակի հանրային կյանքում «Հայրենիքի» նշանակության մասին է գրում նաև Վահան Մալեղյանը. «...այդ շուրջում ինչ զիջումներ ու հիմնական էր 2. Շահնայարի և Լ. Ռաշայանի հետ Արփիար Արփիարյան իր ողջակալությամբ դիրք բռնած «Հայրենիքի» խմբագրատան մէջ, որ ժամադրավայր դարձած էր մեր առաջին հեղափոխականներուն և օրվան ամենևն սիրված դրողներուն» (տե՛ս Վ. Ռաշայան. Անցած օրեր. Փարիզ, 1927, էջ 34):

ղելով ազգային առաջընթացի հեռանկարներին: Գործնական շարժման մեջ են գրվում համազգային գիտակցության ամրապնդմանը նպաստող զաղափարագեղագիտական ազդակները՝ հոգևոր շփման, ազգի երկու հատվածների մշակութային աղբյուրների, միասնական զարգացման օրինաչափությունների արժեքավորմամբ:

Արփիարյանի խմբագրականների առանցքային դրույթներում սահմանվում են հանրորեն օգտակար, ժողովրդի շահերին ծառայող օրագրության սկզբունքները: Հասարակական կյանքի հետազոտության պահանջի թելադրանքով թերթն իր ուշադրության կենտրոնում է պահում արևմտահայ կրթական օջախների, բարեգործական հաստատությունների, ազգային վարչությունների գործերի քննությունը:

Ազգային-ազատագրական պայքարի նոր վերելքը 1894—96 թթ. գլխավին կուսակցական շարժման մեջ է ներառնում Արփիարյան հրապարակախոսին: Վերջնականապես հարելով հնչական կուսակցությանը, Արփիարյանը նրանց քաղաքական ծրագրերում առանձնապես կարևոր է դիտում «Ժողովրդի մեջ, ժողովրդի հետ և ժողովրդի համար»²³ պայքարի բանաձևը: Միանալով հնչականներին, նա ձգտում է իրագործել ազատագրության վաղուց փայտալված գաղափարը: Հնչականներն իրենց հերթին մեծ հույսեր էին կապում նշանավոր հրապարակախոսի հետ՝ նկատի ունենալով նրա հեղինակությունը ժողովրդի լայն զանգվածներում: Սակայն «Հայրենիքին» վիճակված է՝ չէր շարունակելու ազգանվեր իր ծառայությունը: 1895 թ. դեկտեմբերի 25-ին կազմակերպվում է առաջին մահափորձը Արփիարյանի դեմ: Հաջորդօրը Շահնազարի «Հայրենիքի» էջերում հրապարակում է հոդված, ուր դատապարտում է մահափորձը կազմակերպողներին: Հոդվածը մեծ հուզում է. առաջ բերում, միաժամանակ առիթ դառնում «Հայրենիքի» հերթական խափանման համար²⁴:

«Հայրենիքը» արդեն ընդմիշտ դադարում է թերթի տնօրեն Հովհաննես Շահնազարի ձեռքակալությունից հետո, 1896 թ. հուլիսի 11-ից:

«Հայրենիքի» խափանումից սկսվում են Արփիարյանի վտարանդի տարագրության տարիները: Մտավորականներից շատերի նման (Լ. Բաշալյան, Ա. Զոպանյան, Եր. Օտյան և ուրիշներ), ստիպված լինելով հեռանալ Պոլսից, նա միառժամանակ ծրագրում է մնալ Վենետիկում, զբաղվել գրականությամբ՝ հուսալով կրկին վերադառնալ Պոլիս: Սակայն կուսակցական գործերը նրան տանում են Լոնդոն:

Արհամարհելով անձնական ամեն ցավ ու դառնություն, զրկանքների, հոգեմաշ աշխատության, բայց և անմնացորդ նվիրումի գոհողությամբ հրապարակախոս-գործիչը ծավալում է ազգօգուտ մի գործունեություն: Հայտնվելով Լոնդոնում ազգային իրադրության խառնակ ու տազնապալի օրերին, միայնակ, կտրված հայրենիքից ու համախոհ ընկերներից, նյութական անմխիթար վիճակում, նա համառ հետևողականությամբ ձեռնամուխ է լինում գաղափարական նոր ձեռնարկումների իրականացմանը: Հոգվածներ է հրապարակում «Հնչակ», «Դադափար» թերթերում, ապա, Բաշալյանի Լոնդոն հասնելուց հետո, համատեղ հիմնում և խմբագրում են «Մարտ» և «Նոր կյանք» պարբերականները²⁵:

²³ Տե՛ս Հիսունամյակ Ս. Գ. հնչական կուսակցության. Փրովիդենս, 1938, էջ 41:

²⁴ Հոգվածը խափանաբիթ էր ոչ միայն այն պատճառով, որ խոսքը վերաբերում էր կապավարության կողմից բանհույս զիտվող Արփիարյանին, այլև օսմանյան դրաքննության շնորհ արգելքների հետևանքով, ինչպես նշում է Ա. Խառատյանը, «սուլթանը հատուկ հրամանագրով արգելեցին» մամուլում ընդհանրապես արգելել քաղաքականների, մահափորձերի վերաբերյալ ամեն մի լուրի տպագրությունը: Համիդը դրանց մեջ անհերքելի ահնաբի էր տեսնում իր ա՛նձի մասին, որքան էլ անհնթեթ լինեին ենթադրյալ անալոգը» (տե՛ս Օսմանյան դրաքննությունը և արևմտահայ մամուլը. Երևան, 1984, էջ 58—59):

²⁵ «Մարտ» թերթը հրատարակվել է 1897-ին, իսկ «Նոր կյանք» կիսամյա հանդեսը՝ 1898-ին:

Հրապարակախոս-գործի ծրագրերում աղգային-ազատագրական շարժման ընթացքի կարևոր գործոնը, խթանիչ ուժը մնում է ժողովրդի ինքնապաշտպանության գաղափարը: Հայության դարավոր մաքառումների պատմությունը նրան բերում է այն եզրահանգման, որ «հայը արյունին հետ կը-ժառանգի մարտիրոսացման դճացումը... Այդ ժառանգական զգացումն է, որ մեր ցեղը կշլապնդե... Դադափարի մը համար արյուն տալ մեզի ցեղային ունակություն եղած է: Մեր գործությունը այդ ունակության մեջ է, վասնզի հինցած ունակությունը բնավորության մաս կկազմե»²⁶:

Քննության ենթարկելով նվիրույթական տերությունների միջամտության դիմելու փորձերը, Արփիարյանը գայիս է այն եզրակացության, որ դրանք հղի են եղել տիրույթ հետևանքներով: Անհետատես քաղաքագետների նկրտումները ոչ միայն չեն նպաստել խնդիրների լուծմանը, այլև սաստկացրել են բռնություններն ու արյունահեղությունը, որովհետև նկատի չեն առնվել քաղաքական կացության հակասություններն ու տարամերժ շահերը: Ուշագրավ է, որ իր տեսակետը Արփիարյանը հիմնավորում է ոչ միայն հայկական ինչպիսի, այլև ուրիշ փոքր ժողովուրդների պատմական ճակատագրի օրինակներով: Այլապես, Մակեդոնիայի, Կրետեի քաղաքական կյանքում նվիրույթական միջամտությունները չեն ապահովել են զուտ քաղաքագիտական ներպատկանքներ: Տարիներ անց կրկին անդրադառնալով հարցին «Շիրակի» էջերում, նա գրել է. «նվիրական Կրետեն ի սեր Կրետացիին չազատեց, այլ ի սեր իրեն. աշխնքն ի սեր նվիրական շահերուն: Սուտայի հրաշալի նավահանգիստը ունեցույ մեկ կողմին պիտի սպասե, թե նվիրական ունեցողը պիտի պարզեն ի վայելումնս: Եվ ապա շարունակում է՝ մասնավորելով իր խոսքը Արևմտյան Հայաստանի կացության մասին. «Ինչպի Պարսկաստան ծոցն, Միջերկրականը, Պոլիսը պողոտա երկնցող Հայաստանն ու Կիլիկիան մի՞թե Սուտայի ծոցեն նվազ կհաճաքեզուն նվիրական և մասնավորապես Անդրիան ու Ռուսիան: Այս հսկայազոր պետություններն մեր կա՞մքը պիտի հարցնեն, մենե՞լ խելք պիտի տու՞վին Ասիո ու նվիրական աշխատհաղորդական քարտեզները ի նպաստ իրենց սրբազրկու առնեն»²⁷:

Հրապարակախոսի լուրսս հայացքից չի վրիպում ոչ միայն իմպերիալիստական քաղաքականության շահագիտական իմաստը, այլև այն անվայել, նվառադասարկող, ցավակցության ցուցցերը, որով նրանք քողարկում էին իրենց անտարբերությունն ու զավթողական ակնկալությունները: «Նրբ հայ ժողովուրդը պաշտպանելու խոսքեր կդառնան նվիրական մեջ,— գրում է նա,— չե՞նք գիտեր թե մեզի նկատմամբ արտահայտված հոգածությունը բիշ շատ կնմանի—ավելի շատ, քան բիշ,—այն կարեկցության, որը կենդանիներու համար ցույց կուտան անասնապաշտպան ընկերությունները. սա տարբերությամբ միայն, որ մենք նվազ բախտավոր ենք»²⁸:

Հանդես գալով իր տառապած ժողովրդի անունից, Հրապարակախոսը բաղմիկը ընդլծում է այն միտքը, որ հայությունը քաղաքակիրթ աշխարհից դուրս և խղճահարություն չի հայցում, այլ իր արժանապատիվ գոյության պայքարում սպասում է այն աջակցության, որ պետք է ընդմիշտ հաստատի նրա իրավունքները: «Արդար պահանջումի խրոխտ ձայնն է, որ կհնչի,— գրում է նա— Հայ ազգը շնորհ մը չէ, որ կխնդրե, իրավունք մը կուղե... Հայկական խնդիրը ծաղկելով 1870-ին, հաճախ 30 տարի է օրն օր կ'առաջանա՝ հակառակ ամեն ընդդիմադիր խոչընդոտի»²⁹:

Դառապարտելով տեղորոշման ու արկածախնդրական անշրջահայացությունը, Արփիարյանը դրանց հակադրում է գիտակցված անձնադոհության հերոսական դրվագները, որոնցով հատկանշվում է ազատագրական շարժ-

²⁶ «Նոր կյանք», 1898, № 17, էջ 266:

²⁷ «Շիրակ», 1906, № 2, էջ 105—106:

²⁸ «Նոր կյանք», 1898, № 6, էջ 90:

²⁹ «Նոր կյանք», 1900, № 11, էջ 162:

ման սխրալի տարեգրությունը: Զեյթունի, Սասունի հերոսամարտերը իմաստավորվում են իբրև պատմության մի նոր դաս: Մեկնաբանելով Զեյթունի ինքնապաշտպանական պայքարի նշանակությունը, հրապարակախոսն այնքնում է իտալական ազատագրական շարժման պատմական զուգահեռներում: Նա հատկանշական է համարում այն փաստը, որ Գարիբալդիի հին զինվորներից մեկը՝ Հալեպի հյուպատոս Վիթոն, ականատես լինելով Զեյթունի դեպքերին, սքանչացմամբ գրել է. «Կողջունեմ քեզի, 'դուցաղնաքաղաքդ Զեյթուն»: Արփիարյանն անդրադառնում է հայերի մաքառումը ներկայացնող Վիթոյի երկհատոր գրքին, ցույց տալիս, որ նման հրատարակությունները³⁰ գալիս են հաստատելու, թե ձայնրու ջարդը հակամարդկային եղեռնագործություն չէ միայն, այլ նաև ոճիր մը քաղաքակրթության ընդհանուր տարածումին դեմ...»:

Լինելով ականատես ու մասնակից XIX դարի հայ քաղաքական կյանքի վերջին տասնամյակների իրադարձություններին, Արփիարյանը ձգտում է անցյալի փորձի ընդհանրացմամբ ճշտել ազատագրական պայքարի հետագա ուղղությունը՝ խուսափելով նախորդ փուլի սխալներից: Քննադատական հայացքով պատմականորեն իմաստավորելով եղելությունները, նա զգաստություն է հրավիրում, անհրաժեշտ դիտում ծրագրերի խոր և ընդարձակ պատրաստությունը: «Ազգային քաղաքացիական առաքինություններու հիշատակը միշտ կենդանի պահենք ու սիրենք, հուսատու ոգին է ան մեր տըխրություններուն վրա սավառնած: Բայց պիտի չի մոռանանք նաև, թե ժողովրդին էն վատ թշնամիներուն մեջ է անոր նկարագրին հոռությունները շոյել սիրողը, կամ շտեմնելու զարնել հակամիտողը, ցեղ մը կշլապնդի, կզորանա իր կյանքին ամենախիստ քննադատությամբը»³¹:

Հրապարակախոսի հղացումները որոշակի ձեռնարկներ են դառնում հանդեսի էջերում: Նա սկսում է հրատարակել իր «Ժամանակակից պատմության էջեր» ուսումնասիրությունը³², ուր քննվում և իմաստավորվում են արևմտահայ իրականության այն օբյեկտիվ նախադրյալներն ու գործոնները, որոնց շարժման արդյունքում ձևավորվել և հասունացել էր հայ ազատագրական գաղափարաբանությունը: Ուսումնասիրությունն ունի «Կ. Պոլսո պահպանողական վարչությունները» ենթավերնագիրը, որը բավականաչափ պարզում է հեղինակի ուրույն մտահղացման բովանդակությունը՝ ցույց տալ ժողովրդի և ազգային վարչությունների քաղաքական կողմնորոշման ականաչալտ հակասությունները: Դրանով նա նպատակամիտում էր ազգային մտածողության վերանորոգման՝ անցյալի գիտակցական զնահատման ճանապարհով: Առաջնորդվելով այն համոզմամբ, որ «հայ ազգին համար ինքնաքննության պարտականությունն անխուսափելի է», հրապարակախոսը պարտադիր է դիտում պատմական մոտեցումը, քանի որ «պահպանողականություն և հեղափոխականություն միևնույն աղալային կյանքի մը երևույթներն են. ո՛չ միև կրնանք արհամարհել, ո՛չ մյուսը առանց մեծապես տուժելու»³³: Արփիարյանի հետ միասին հանդեսի ծրագրային կանխագծումներին են ծառայում Բաշալյանի, Չոպանյանի, Օտյանի բազմաթիվ ուսումնասիրությունները, հոգավածներն ու գեղարվեստական էջերը: Դրանցից հիշատակենք Օտյանի «Արյունոտ հիշատակներ», «Հեղափոխության մակաբույծներ», Արփիարյանի «Հայաստան և Կ. Պոլիս», «Հրոսակի մը հիշատակներն», «Օրվան կյանքը» շարունակվող քրոնիկները և այլն:

³⁰ Տե՛ս Ազատասիրական գաղափարները հայ հրապարակախոսության մեջ. տեքստը, առաջարանը և ծանոթագրությունները Ա. Զաքարյան և Գ. Հովհաննիսյան. Սրևան, 1982, էջ 529—530:

³¹ «Նոր կյանք», 1898, № 1, էջ 1:

³² Տե՛ս «Նոր կյանք», 1898, №№ 1, 3, 5, 7, 9, 11—13:

³³ «Նոր կյանք», 1898, № 1, էջ 3:

Հնչակյանների միջև խորացող անհամաձայնությունը ի վերջո հանգեցնում է պատակաման¹։ 1901-ին Արփիարյանը ստիպված է լինում թողնել կուսակցական գործունեությունը և հեռանալ Փարիզ՝ Այստեղ, շնայած բարոյական և նյութական ծանր կացությանը, Արփիարյանը մի զարմանալի համառությամբ կրկին փորձում է հիմնել մի նոր պարբերական՝ «Հայ հանդես» անունով։ Ձեռնարկը չի հաջողվում։ Արփիարյանը մեկնում է Փարիզից՝ Վենետիկ և այստեղ միայն, Սիմոն և Երվանդ Նահապետյանների օժանդակությամբ շնորհիվ, լույս է ընծայում «Հայ հանդեսի» առաջին համարը։ Հանդեսը հրատարակվում է Բեռլինում՝ 1902—1903 թթ.։ Նրա էջերում լույս են տեսնում Արփիարյանի «Կարմիր ժամուց» վիպակը, հրապարակախոսական, գրականագիտական հոդվածներ, նույն տարիներին նա աշխատակցում է «Ինդուստրի» հանդեսին՝ «Հրպետ» ծածկանունով, շարունակում թղթակցել «Մշակին»։ Հրապարակախոսը նույն կրթությունամբ ու հետևողականությամբ շարունակում էր «Հայ հանդեսում» քննել ու բացահայտել հայ ազգայնական կուսակցությունների ընթացքի սխալները։ Նրա դեմ է ելնում հակառակորդ խմբի խնամանքի նոր ալիքը և 1903 թ. փետրվարի 15-ին կատարվում է երկրորդ մահափորձը։ Դրոդի համախառն ընկերները՝ հատկապես Սույանն ու Մալեղյանը, տագնապած նրա վիճակի համար, բազմիցս առաջարկում են մեկնել Եգիպտոս։ «Հայ հանդեսի» դադարելուց հետո, այլևս անհնարին և անիմաստ դիտելով Վենետիկում մնալը, Արփիարյանը մեկնում է Եգիպտոս։

Դարասկզբին եգիպտահայ զազութն ապրում էր աշխույժ ու գործուն հասարակական-մշակութային կյանքով։ Այստեղ էին հաստատվել Պոլսից հեռացած մտավորականներ, Միքայել Կյուրճյանը, Վահան Թևեքյանը, Երվանդ Օտյանը հրատարակում էին «Աղատ բևա» թերթը, «Շիրակ» հանդեսը, Կահիրեում սկսել էր լույս տեսնել «Լուսաբեր» թերթը։ Դրոժում էին հայկական դպրոցները։ Արփիարյանը, որ դեռևս Վենետիկից աշխատակցում էր այս պարբերականներին, Կահիրեում ստանձնում է «Լուսաբերի» խմբագրությունը, նույն ժամանակ էլ շարունակում Թևեքյանի և Կյուրճյանի հետ «Շիրակ» հանդեսի հրատարակությունը։ Զրկանքներով չի տառիներին առանցողական կյանքից հետո նա վերջապես գտնում է հոգեկան խաղաղություն և նոր և՛ ունեղով մտնում հրապարակախոսական ասպարեզ։

Հրապարակախոսի գործունեության ելակետը և շափանիշը մնում է նույնը՝ առավելադույնս նպաստել ազգային առաջընթացին, արթուն պահել ժողովրդի բարոյական ինքնադիտակցությունը՝ հաշվի առնելով պատմական դեպքերի հետևանքներն ու առաջացած նոր առանձնահատկությունները։ «Լուսաբերում» և «Շիրակում» հրապարակվող նրա առաջնորդողներն ու մյուս հոդվածները ստույգության ևն ենթարկում և ճշտում ազգային ժամանակակից կյանքի խնդիրները, պայքարի նոր եղանակները։

Քաղաքական նոր իրադարձություններում առաջնահերթ է դիտվում Ռուսաստանի հանդեպ հայ հասարակական մտքի կողմնորոշման հարցը։ Խրեդրի առանձնահատկությունը հրապարակախոսի կողմից ընդգծվում է «Հայաստան և Ռուսիա», «Կովկասեն», «Ամուճան» և մի շարք այլ հոդվածներում ու պատմական ակնարկներում։ Արփիարյանը համոզված էր, որ ժամանակի հեղափոխական իրադարձության պայմաններում «Թյուրքիո հպատակ

¹ Հուլիսին Վենետիկում Արփիարյանի տարրեր խմբավորումների միջև առկա էին դեռևս կուսակցության ձևավորման առաջին տարիներից, Փորձելով սոցիալիստական զազափարները հարմարեցնել ազգային-ազատագրական շարժման ծրագրերին, հնչակյանները փաստորեն անտեսում էին Արևմտյան Հայաստանի սոցիալ-բազմազան իրադրության առանձնահատկությունները։ Այդ մասին ավելի մանրամասն տե՛ս Հայ ժողովրդի պատմություն. հ. 6, Երևան, 1981, էջ 189—191։

Հայաստանի ապագան Ռուսիո կյանքեն կախում ունի: Համեմատելով Ռուսաստանի քաղաքական դիրքորոշումը «եվրոպական մահաքուն անտարբերության» հետ, նա պատմական փաստերի անհերքելի իրողությամբ ցույց է տալիս, որ «Հայոց համար հոգածությանը... Ռուսիո, միայն և միայն Ռուսիո կպարտինք»³⁵:

Ռուսաստանում տիրող հեղափոխական իրադրությունը՝ Արփիարյանի կողմից ընկալվում է իր լայն համամարդկային նշանակությամբ: «Պայթած հեղափոխությունը,— գրում է նա «Սարսուռ» հոդվածում,— միահեծան իշխանություն մը չէ, որ պիտի տապալի, այլ նաև տնտեսական դրություն մը, ուստի և տարակույս չկա թե իր հաղթանակն օր մը չէ օր մը պիտի սարսե ոչ միայն թագավորությունները, այլև հանրապետություններն ալ»³⁶: Անգամ հեղափոխության պարտությունը չի հուսահատեցնում հրապարակախոսին, այլ դիտվում է իբրև ժամանակավոր տեղատվություն բռնակալ ուժի առաջ, երբ տեղի է ունենում պայքարի դասերի ճիշտ գնահատում և ուժերի համախմբում հասունացող նոր մարտերից առաջ: «Թող չը կարծվի, թե ուսական շարժումը ջախջախվեցավ, լմնցավ: Ահեղ պատերազմ մըն է, որ կմղվի միահեծանության ու ժողովրդական իրավունքի միջև: Հեղափոխությունը կրնա քանի մը ճակատամարտ կորսնցնել, բայց վերջնական հաղթանակը իրեն պիտի մնա երկարատև կովն մը հետո»³⁷,— համոզված գրում է նա:

Հեղափոխության ազատասիրական ոգին համահնչուն էր Արփիարյանի դավանանքին: Հասարակական մտքի համընդհանուր քաղաքական հասունացումը դիտվում է կարևոր ազդակ հայ ժողովրդի քաղաքական անկախության պայքարի նոր վերելքի համար: Անցյալ դասերի համակողմանի քննությունը նրան բերում է մի եզրահանգման. «Փորձառությունը գրքի մեջ չեն սորվիր. ինչպես մարգ մը, նույնպես ժողովուրդ մըն ալ իյնալով ելլալով փորձառու կըլլա: Երեսուն տարվան մեջ ըստ բավականին փորձառություն ունեցանք, որմեն գործնականապես օգտվելու ժամանակն է հիմակ...»³⁸:

Միանալով արտասահմանում համաժողով հրավիրելու առաջարկին, Արփիարյանը ձգտում է վերջնական արդյունքի հասցնել կուսակցությունների միջև համաձայնության գալու բանակցությունները, այդ գործում կարևոր տեղ տալով մամուլին: Աղգի ուժերը կենտրոնացնելու ջանքերը մշտապես մնում են հրապարակախոսի ուշադրության առարկան: Սակայն միավորման ուղիներում նա չի ընդունում գաղափարական զիջումներ, հաշտվողական դիրքորոշում: Նրա քննադատական հայացքը շարունակում է նշանակետ ունենալ և՛ «չեզոքների» զգուշավոր քաղաքականությունը, և՛ «հայ անիշխանականության» անխոհեմ ընթացքը: Արփիարյանի համար հայ ազատագրության հեղափոխական պայքարը եղել և մնում էր վեհ մի երևույթ, որին նա նվիրեց իր ողջ կյանքը: Դեռևս լոնդոնյան տարիներին, բնութագրելով ազատության դինվորագրյալների հայրենանվեր գործը, նա գրել է. «Նյութական պետքը չէր, որ հայ երիտասարդությունը Հեղափոխության կմղեր. անարատ հայրենասիրության զգացումներով խանդավառված էր ալը երիտասարդությունը. աներկրավոր էին իր բաղձանքները, ուստի և գերազանցորեն ազնիվ»³⁹: Հետագայում ևս հրապարակագիրը մնում էր այն համոզման, որ հեղափոխությունը ծնունդ առավ ոչ թե անհատների կամքով, այլ «տառապանքին մեծությունը շղթայադերձեց ըմբոստացումը միահամուռ հայ աշխարհին. զանազան կետերուն վրա, զայն ուղղելով դեպի այն անձկալի նպատակը»⁴⁰:

35 «Շիրակ», 1906, № 3, էջ 169:

36 «Լուսաբեր», 1905, № 147:

37 «Լուսաբեր», 1906, № 171:

38 «Շիրակ», 1907, № 9, էջ 509:

39 «Նոր կյանք», 1900, № 22, էջ 339:

40 «Շիրակ», 1905, № 9, էջ 170:

Հրապարակախոս-գործչի հայեցությանը խորթ էին նեղ ազգայնամուկ-
կան տեսակետները։ Աղատագրական պայքարի վերջնական արդյունքում նա
երազում էր իրագործված տեսնել Բոլոր Հնչվածների բաղձանքները։ 1905 թ.
Հեղափոխությունը նրան համամարդկային ազատության հույսեր է ներշնչ-
ում։ «Ենթ թև,— գրում է նա,— Կովկասի այլևայլ ցեղերուն ալ համերաշ-
խությունը Բուրժուա յայլայլ ցեղերուն ալ աշքերը քանար։ Ու հաջորդ տաս-
նամյակի մը բոլորմանը փոխան կոտորածներու մահատանի մը մեջ թա-
փառման, ծաղկազվարճ դարաստաններու մեջ հրճվեին Եփրատի ու Տիգրիսի
Հայր, Քուրտը, Թուրքը, Նգիտին, քրիստոնեականն ու մահմեդականը, հավա-
տացյալն ու անհավատը՝ Աղատության Արևը Աստծու Արևուն պես ամենուն
վրա ցաթած»⁴¹։ Թևեկ Հևուլից-հեռու, հրապարակախոսը տեղյակ էր մարք-
սիստական գաղափարների, որոս բուլղիկների գործունեության էությունը
Կովկասի, Եվրոպական մամուլի նյութերից պատկերացում կազմելով ուսա-
կան Հեղափոխության ընթացքի մասին, նա հանգում է այն եզրակացության,
որ վերջինիս պատմական դասերը ուսանելի խորհուրդ ունեն, որը «մեզի
շատ մը բաներ ալ պիտի սորվեցնե, որոնցմե կրնանք օգտվիլ մեր հեղափո-
խական գործին ղեկավարությանը մեջ»։ «Դաս մը Ռուսիո Հեղափոխականնե-
րեն» խոստուն վերնազերի կողո՛ղ հողվածում Հրապարակախոսն առաջնահերթ
խնդիր դիտելով Հեղափոխության բուն բովանդակությունն ու նրան դիմա-
դիր ուսակցին ուժերի ճանաչումը, այդ անհրաժեշտությունը բացատրում է
իրողության քույրակված աղդակները ճիշտ ըմբռնելու պահանջով։

Արփիհարցանք չի անտեսում նաև պաշարի ազգային առանձնահատկութիւնն ընդլայնելու, որն անպայման յուրատեսակ մոտեցում էր պահանջումէ՝ ինչպէս ընդունելու է,— նշում է նա,— որ Կովկաս նաև ցեղային խնդիրն ալ կրարգլխի ընկերային խնդրին վրայ»։ Համակողմանի քննութեանն ենթարկելով քուղարական սլաքարի ձևանարկները, նա ալ իմաստով էլ չի ընդունում «նշակայանների ծրագիրը, քանի որ այն «պատաստոված էր ինչ, Ռուսիան ձանշնայում, Ռուսրիի Համար յինոված և անգործագրելի»։ Նույնքան էլ չհիմնաւորոված են դիտում բրիտթուրքերի հետ հնչակայանների գործակցելու հրապարակները։ «Երկտասարդ թուրքերուն այսինչ սուլթանին տեղ այն ինչ սուլթանը բերելու ղոգանքը բնավ երկրին վերանորոգման ղոգանքը չէ,— իր համոզմունքն է հայտնում հրապարակախոսը՝ ղուղահեռելով Ռուսաստանի օրինակով։— Ռուսները ի՞նչ պիտի կրնային շահիլ, Նիքոլային տեղ պարգայես Միխայլը մը թագավորեցնելով»⁴²։ Մի այլ հողովածում նա ոչ միայն հայտնում է կապում երիտթուրքերի իշխանութեան ձեռք բերելու հետ, այլև հեռատեսորեն կանխագուշակելով հայերի գոյութեան վատթարացումը, ստիպում է խորհիլ ապաղա ընթացքի մասին։ «Այսօր ամենուն դիացած բանն է, որ մենք Հայերս շատ ավելի մեծկակ երկուղներ ունենայու ենք Երիտասարդ թուրքերեն, քան թե Հին թուրքերեն։ Երբայալի մեղ իսկ մեր փոխադարձ հարաբերութիւնները ցույց կուտան, թե օր մը երկիրը իրարու հետ ինչպես պիտի վարվինք, երբ անոնք երկրին գերագույն վարիչները դառնան և մենք ալ շարունակենք բայը մնալ»⁴³։ Ընդամենը երկու տարի անց՝ 1908-ին, Արփիհարցանի կանխատեսումները ամենադաժան իրականութիւն դարձան երիտթուրքերի մշակած հայութեան ոչնչացման ծրագրում։ Իսկ մինչ այդ հրապարակախոսի շուրջը շարունակում էր բարձրանալ անհանդուրժողականութեան, ծանր հալածանքների ալիքը՝ անխուսափելի հաշվեհարկարի սպառնալիքով։ Արփիհարցանի հարձակումները կուսակցական նեղմտութեան, աղակախոսութեան ձեռնարկների խուր հետևանքների դեմ հանդիպում են անընդունալի ժողովարանի պատմեցիչի, Սևրիհարի մղած պայքարի,— գրում է Երվանդ Օտոյանը իր հուշերում,— հրապարակային քննադատութիւն մըն էր խմբակի մը

41 Նույն տեղում, № 5, է, 372:

42 ձևությամբ, 1906, № 171:

43 Նույն տեղում, № 176.

դեմ, որուն արարքները զգվանք և զայրույթ հառաջ բերած էին բովանդակ հայութեան մեջ և հենց որ ինք քաջարար կգրեր՝ ուրիշներ արդեն երկար ատեն և վեր կկրկնէին իրարու⁴⁴:

Քաղաքացիական կայուն նկարագրի, հաւաքական առջև պարտականութեան գաղափարի սկզբունքներով էր առաջնորդուած հոգաբարեագիրը՝ անարգանքի սյունին գամելով հեղափոխութեան գործը վարկաբեկող խմբավորումների արարքները: «Հայ լինականները», «Քաղութեան կանթեղը» հոգովածներում ասես կտեսնաւ զգալով անխուսափելի օրհասի ժամը, որը նրա սեռերը պիտի ավելացնէր անմեղ զոհերի շարքում, Արփիարուն հանրութեանը մղում է խորհրդածելու և կանխելու շարունակվող ոգիները:

Ինչպես նշում է Վահան Մալեզյանը, Արփիարը կանգնած էր լրջագույն երկրնորանքի տոջէ. «Լեռնի թե գրել, քանդի լավ գիտեր, թե իր գրիչը պիտի փութացնէր իր մահը: Ու անկարելի էր հարգանքով ու խանդալատանքով չի վերցնել իր արյունալից գործը... երեսունհինգ տարիների անդադրում ու անհատ աշխատանք մը, իր աշխի համար՝ որուն սիրուն նախամեծար սեպից մեռնիլ, քան թե լռել»⁴⁵:

Արփիարյանը չլռեց, և 1908 թ. փետրվարի 12-ին կատարվեց նրա գեմ հրուրը: «Արփիար» մահափորձը: Իր ողջ անանձնական կյանքը դրականներով ապրած գրողը, որի «սպանված պահունքովն հացի կտոր մը, քանի մը լրագիր: և 6—7 դրուշ գտնված էր միայն», իր գնահատանքը ստանում է հանրութեան միահամուռ սիրտ ու մշտն արտահայտութեամբ⁴⁶: Ավարտվում է եղբորորեն գեղեցիկ մի կյանքի պատմություն, որի արդյունքը նվիրագործվեց աշխի մաքառման ու ձեռքբերումների անհրաժեշտ արժեքով:

Հանրագումարի բերելով հրապարակախոսի գործունեությունը ժամանակի հեռավորությունից, գծվար չէ նկատել վրիպումներ կամ միակողմանի տեսակետներ, որոնցից դեռ չի մնացել նրա հայեցողությունը: Հակասական իրողությունների բարդ մթնոլորտում կաղապարված ըմբռնումների հաղթահարման ուղիներում թերևս անխուսափելի էին այդ դրսևորումները, սակայն առավել բնութագրականը մարտնչող հրապարակախոսի, արվեստագետ մը-տաժողի աննահանջ սկզբունքայնությունն ու ամբողջական նկարագիրն էր, մտքի տեղափոխման, խիզախ հայրենասիրության հաստատուն ընթացքով:

АРПИАР АРПИАРЯН—ПУБЛИЦИСТ

Л. Г. МУРАДЯН

Резюме

В истории армянской общественно-политической мысли особое место занимает деятельность известного западно-армянского писателя, критика и публициста Арпиара Арпиаряна (1851—1908). На протяжении 30 лет, с 1877 до 1908 года, он возглавлял, редактировал основанные им газеты «Аревелк», «Айреник», журналы «Масис», «Нор кянк», «Ширак» и другие. Трудно переоценить заслуги писателя-публициста, неустанного поборника сближения западной и восточной Армении. Его статьи проникнуты идеями патриотизма, национального единства. Публицистику Арпиара Арпиаряна отличает последовательная русская ориентация, связанная с осуществлением национально-освободительной программы.

44 Ե. Օ տ յ ա ն. Երկերի ժողովածու. հ. 4, էջ 394:

45 Վ. Մ ա լ ե ղ յ ա ն. Ճամբու ծայրը. Պատմական ուսման ու դասեր. Փարիզ, 1954, էջ 279—280:

46 Ինչպես վկայում է Արփիարյանի գործի ուսումնասիրող Գ. Սահակյանը, հրապարակվում են հոգովածներ ոչ միայն հեղատահալ, այլև արարական, իսալական, ֆրանսիական, ասիական և այլ թերթերում: Տե՛ս Գ. Ս ա հ ա կ յ ա ն. Արփիար Արփիարյան. Երևան, 1955, էջ 283: